

gini. Members be namo ita ibounai totona idia gaukara bona eda hanua tata dekenai dahaka durua gaukara abia mai totona.

Gunalaia taudia namodia:

- Vouti taudia ibounai totona ia hereva goada tubudaekau abia mai totona.
- Parliament dekenai taunimanima edia lalao hekwarahi hedinarai totona.
- Taravatu haginia ena kahanai lalao idia henia.
- Hunia dala dekenai moni bona kohu abia kava lasi.
- PNG tanobada totona idia gaukara hebou.
- Taunimanima ibounai edia lalao metau hedinarai, bona ia dekenai vouti idia henia taudia sibona ia durua lasi.
- Taravatu badana idia abiadae bona gunlaia taudia edia dala momokani idia gaukaralaia.
- Hahine orea, eregabe bona orea marakidia ibounai ia durudia.
- Kerere karaia tauna lasi.
- Ena gabu dekenai tubudaekau abia lao.
- Edia electorate idia vadivadi henia bona hanua taudia danu herevahereva bona lalao namodia idia tahua.

Vouti tamona lalonai abiahidi toi do oi karaia. LPV ena vouti dala matamata mani ita itaia.

LPV vouti dala matamata idia haginia be idia ura vouti dala ia hanamoa. Guna ena vouti be daika vouti momo ia abia tauna ese ia kwalimua. Inai ena anina, taunimanima ta be do ia kwalimu diba bema ena gabu taudia sibona ese edia vouti idia henia neganai. Inai dala be ia namo lasi.

LPV dala matamata be vaira lagani, 2007 lalonai do ita gaukaralaia. Inai ena anina oi be taunimanima toi do oi makaia diba bona kwalimu tauna ese oi do ia gunalaia, Parliament dekenai. Daika vouti momo do ia abia tauna do ia kwalimu diba. Inai tauna be namo hutuma kaha badana ia abia murinai. Inai dala be ia maoro.

Oi be nega tamona do oi vouti diba, to emu pepa dekenai be maka toi do oi atoa. Inai vouti dala matamata be inai bamona.

- Oi ura henia dikadika tauna vouti ginigunana oi henia. Bema oi lalao ia be oi emu durua tauna korikori.
- Vouti iharuana be tau iharuana oi henia, bema oi lalao, inai tauna be tau namona ta bona bema emu vouti ginigunana ia moru neganai, tau iharuana do ia gini diba.

- Vouti ihatoina be emu ura tauna ta oi henia. Bema vouti ginigunana bona iharuana idia moru neganai, tau ihatoina do ia gini diba.

Lalao-tao, kwalimu tauna be tamona do ia gini.

Laloatao hereva haida.

- Hahine momo be idia ura 2007 election lalonai idia vareai. Bema namo oi lalao namonamo bona emu ura gunalaia hahine dekenai emu vouti oi henia.
- Bema oi lalao, emu varavara be gunalaia tauna eiava hahine namo lasi neganai, oi vouti laia lasi. Lalao boio lasi, oi emu vouti ese emui gabu dekenai noho mauri do ia hadikaia bona do ia hanamoa diba. Oi emu vouti ena toana momokani be lagani ima lalonai do ia hedinarai.
- Oi be namo emu vouti pepa dekenai taunimanima toi oi makaia bema oi makaia lasi neganai, emu vouti do idia duhaia lasi.
- Daika ena mauri lagani 18 amo ia daekau be mai ena maoro do ia vouti diba.
- Oi be namo emu gabu dekenai pepa tamona sibona dekenai oi vouti karaia. Daika taudia edia mauri lagani 18 amo ia daekau be mai edia maoro do idia vouti diba bona sibodia edia gunalaia taudia do idia makaia. Bema umui vouti lasi neganai, emui gunalaia taudia ese do idia kamona henia lasi. Taravatu ta danu ia gwau, oi be pepa tamona sibona dekenai oi vouti.
- Tau ta eiava hahine ta ese oi totona do ia vouti diba lasi Bema tau ta ia ura oi totona emu vouti pepa dekenai ia vouti neganai oi ura lasi. Oi be namo sibona oi lao vouti gabu dekenai emu vouti oi henia.